

Fundacion Art Rap Ta Habri Bek cu Lansamento di ZEER TROPISCH Art House

Apertura Grandi y Exposicion di Arte Colectivo – 27 di September, 7:00 PM

SAN Nicolas, Aruba — Fundacion Art Rap ta orguyoso di anuncia su reapertura oficial y e apertura grandi di ZEER TROPISCH Art House, un centro cultural nobo den curason di San Nicolas. E celebracion lo tuma luga diasabra, 27 di september, cuminsando pa 7:00 PM, net dilanti di e mundialmente famoso Charlie's Bar na B. van der Veen Zeppenfeldstraat 67.

E anochi lo presenta un exposicion di arte colectivo cu obranan di Glenda Heyliger, Alida Martinez, Dimanche-Jolie, Lenny Lea, y Nelson Gonzalez.

E evento inaugural aki ta marca un capitulo nobo pa Fundacion Art Rap, reafirmando su rol como un catalisador pa arte, comunidad y innovacion cultural na Aruba.

Funda cu e vision di posiciona Aruba como un punto di referencia Caribense pa innovacion artistico y cohesion social, e mision di Fundacion Art Rap ta pa integra arte como un herment pa transformacion social, educacional y cultural, mientras ta crea oportunidad pa dialogo, intercambio y crecimiento colectivo.

ZEER TROPISCH Art House lo sirbi como e sede y epicentro di e fundacion pa programanan cu ta conecta arte, educacion y bida comunitario, dunando luga na exposicion, residencia y proyec-



tonan cu ta activa San Nicolas como un destino cultural vibrante. E logro aki no lo tabata posibel sin e sosten generoso di nos partnernan, Playa Liquor Company y TEC INC., kendenan nan contribucion ta yuda realisa nos vision.

Nos ta extende un invitacion caluroso na publico pa uni cu nos pa e evento gratuito aki, un anochi di arte, comunidad y celebracion. Detayenan di Evento:

Luga: ZEER TROPISCH Art House, B. van der Veen Zeppenfeldstraat 67, San Nicolas (dilanti di Charlie's Bar)

Fecha: Diasabra, 27 di september, 2025

Ora: 7:00 PM padilanti

Entrada: Gratis, habri pa tur hende

